

**PROÇES-VERBAL**  
**“PËR KONSULTIMIN PUBLIK PËR**  
**DHËNIEN NË PËRDORIM TË SIPËRFAQES PYJORE NË NJËSINË**  
**ADMINISTRATIVE BLINISHT DHE UNGREJ”**

I mbajtur me datë 22.02.2024 në orën 10:00 në ambjentet e Pallatit të Kulturës “Ded Ndue Lazri” Lezhë në vijim të njoftimit të publikuar në Web me datë 5 Shkurt 2024, përkatësisht në linkun <https://lezha.gov.al/degjese-publike-per-dhenien-ne-perdorim-te-siperfaqes-pyjore-ne-njesine-administrative-blinisht/> u zhvillua takimi për konsultimin publik me banorët e zonës së fshatrave Krajn, Fishtë, Troshan dhe Ungrej.

Takimi u hap nga Drejtori i Bujqësisë Z. Eraldo Smaçi i cili në fjalën e tij evidentoi rëndësinë e këtij konsultimi publik të iniciuar nga Bashkia Lezhë, konkretisht nga Drejtoria e Bujqësisë, Ujitjes dhe Administrimit të Pyjeve dhe diskutimin e kësaj çështje me komunitetin e faktorët lokal në lidhje me dhënie në përdorim të sipërfaqes pyjore në zonën e ekonomisë pyjore “Zadrimë” për zhvillimin e projektit për prodhim energjie me erë.

Prezantimi dhe trajtimi i çështjes në mënyrën inxhinierike u bë nga Z. Artan Palushi përgjegjës në Sektorin e Menaxhimit të Pyjeve dhe Kullotave.

Sipas një procesi të decentralizimit të kompetencave të filluar nga viti 2007-2008 pyjet konsiderohen pronë e pushtetit lokal. Përveç aktivitetit mbi tokë që është mbulesa e drurëve dhe shkurreve, pyjet përdoren për aktivitete të ndryshme për qëllime biznesi, kampingje zhvillim ferme etj, prandaj është menduar që kjo sipërfaqe të përdoret edhe për ndërtimin e parkut eolik mbi të cilën janë kryer studimet dhe janë bërë matjet e rezultateve të erës e cila ka rezultuar si një zonë efiçiente për prodhimin e energjisë me erë. Qëllimi i konsultimit publik është marrja në konsideratë e mendimeve të komunitetit bazuar në aktet ligjore në fuqi e në Udhëzimin Nr.1 datë 09.06.20216 i Ministrisë së Mjedisit i cili përcakton rregullat, procedurat e kërimit, shqyrtimit e miratimit të kërkesave për dhënie në përdorim të fondit pyjor e kullozor, në pikën 7 të këtij udhëzimi theksohet se personat fizikë/juridikë publikë ose privatë që kërkojnë të ushtrorjnë veprimtari në sipërfaqet e fondit pyjor ose kullozor në administrim të bashkisë, mund të paraqesin në çdo kohë kërkesën në formën e propozimit të pakërkuar. Në këtë rast kemi të bëjmë me një kërkesë të depozituar nga Kompania **Kiraç Green Energy**, për marrje në përdorim, sipërfaqe tokë pyjore në territorin e Bashkisë Lezhë, për ndërtimin e parkut eolik. Bashkia Lezhë duhet ta shikojë dhënie në përdorim të sipërfaqeve pyjore për prodhim energjie, jo vetëm si prioritet i detyrimeve që ka vendi ynë për prodhimin e energjisë së rinovueshme, por edhe si një interes financiar, pasi nga kryerja e këtyre transaksioneve gjenerohen të ardhura, për ti përkthyer më pas në investime për administrimin dhe ruajtjen e pyjeve e kullotave. Nga ky projekt parashikohet të ndërtohen 12 aerogeneratorë të cilët janë parashikuar të vendosen në kurrizin e malit të Kreshës, mbi fshatrat Krajn, Fishtë dhe Troshan të Njësisë administrative Blinisht, gjithashtu nga ky projekt preken edhe tre parcela pyjore që janë në territorin e Njësisë Administrative Ungrej. Pas shqyrtimit të kërkesës është hartuar raporti teknik mbi të cilin është përcaktuar sipërfaqja në përdorim, dhe vlera financiare vjetore e përdorimit. Rezulton se kjo sipërfaqe i plotëson të gjitha kriteret, pozicioni, vendodhja etj. Pas këtij konsultimi procedurat do kalojnë në Këshillin Bashkiak për miratim.

**Pyetje/Diskutime nga pjesëmarrësit.**

1. Cilat janë përfitimet e komunitetit nga ky projekt ?
2. Ku do zbresi rruga e parashikuar, si dhe linja elektrike ?
3. A do preket pjesa e poshtme e zonës pyjore në pronësinë tonë?

3. A do preket pjesa e poshtme e zonës pyjore në pronësinë tonë?
4. A mund të kemi kopjen e projektit secili nga banorët?
5. A ka garanci për ne që projekti nuk do shtrihet jashtë territorit që është parashikuar?
6. Ku do shkojë kjo energji dhe si do shpërndahet?
7. Kompania që do zhvillojë këtë projekt sa do e ketë përqindjen që do investojë për këto fshatra?

Pyetjet e mësipërme të drejtuara nga banorët e pranishëm morën përgjigje nga Z. Artan Palushi i cili ndër të tjera nënvizoi se zhvillimi i këtij projekti do të bëhet në parcelat pyjore të kurrizit të Kreshtës të cilat janë në pronësi të Bashkisë Lezhë sipas VKM-së numër 433 datë 08.06.2016 e ndryshuar me VKM-në nr 684 datë 02.09.2020 "Për transferimin në pronësi të Bashkive të pyjeve dhe kullotave publike sipas listave të inventarit dhe aktualisht në administrim të Ministrisë së Mjedisit e të ish-Komunave e Bashkive". Projekti ka të parashikuar koordinatat për bazamentin e secilit aerogjenerator dhe infrastruktura ndihmëse që është rrjeti rrugor dhe rrjeti elektrik do të ndërtohen në prona pyjore bashkiake dhe nuk do të preken prona private. Projekti nuk do të ketë ndryshim të destinacionit të kërkuar, për arsye se në këtë zonë janë bërë matjet e erës dhe ka rezultuar se kjo zonë plotëson të gjitha kushtet për prodhimin e energjisë së rinovueshme me aerogjeneratorë. Të ardhurat që burojnë nga ky investim do të përdoren nga bashkia Lezhë në përmirësimin e infrastrukturës së zones, përfshirë edhe investimet në fondin pyjor e kullosor.

Nënkryetari i Këshillit Bashkiak Z. Agostin Marku siguroi transparencë të plotë për çdo vendim në lidhje me projektin. Ai citoi se shfrytëzimi i sipërfaqeve të tokës të cilat nuk kanë prodhimtari të biomasës pyjore në lëndë punimi dhe dru zjarri apo nën produkte të tjera pyjore është iniciativë e vlefshme jo vetëm për biznesin por që shfrytëzimi i energjisë së diellit, energjisë së erës është pozitive edhe për mjedisin. Ai uroi që projekte të tilla që gjenerojnë të ardhura e që përmirësojnë jetesën në ato zona të jenë të shumta .

Në përfundim të diskutimeve takimi u mbyll nga Nën/Kryetari i Këshillit Bashkiak.

### **Mbajti Proçes-Verbalin**

**Drejtoria e Bujqësisë, Ujitjes dhe Administrimit të Pyjeve**

**Artan Palushi**



